

avogador di comun, per non aversi potuto provar lo scrutinio, *tamen* ussi, et rimase che la election vadi zoso; et cussi fo fato in locho suo.

40 *Copia*. Per seguir el mio stillo in notificarve tute nove ochorente, che publicamente scriver se pono, me ha parso de non restar di notarvi per questa, *ex quo* questa matina, venuta nova al christianissimo re, come lo catholico re de Spagna se era moso *cum* tute sue galie da Zenova per qui, et atrovarese lontan da zercha miglia XII; se mose el reverendissimo cardinal Rhoan *cum* tre altri cardinali, zoè Phinal, Narbona et Albi; et insieme *cum* loro monsignor gran maistro et alcuni signori del sangue, *cum* la più parte de' baroni et zentilhomeni franzesi; et montati su galie 4 sotil, le qual sono a governo de uno capitano franzese, ha nome Pier Jan, capitano de questa riviera de Zenova, li andorono incontra per miglia 7, divise *tamen* le galie, zoè dislontanando una da l'altra per spazio de uno miglio. Apropinquate le galee del catholico re a queste altre, et salutate una *cum* l'altra *cum* bombarde, *ut solitum est*, se acostorono a tera, ad una villa distante per miglia 7, la qual se chiama Avarazo. Montorono i reverendissimi cardinali, et quelli altri signori, su la galia del re, a reverir et acceptar sua maestà, et li firmati disonorono. Da poy a hore III se moseno per vegnir de longo; il che facendo, et essendo distanti per miglia 3, fato notò al christianissimo re, montò sua maestà a cavallo, acompagnata dal nostro ambador, et da i marchesi da Manthoa, Monphera et Rotolin, et monsignor de Dunoys, et dal resto di altri baroni erano stati in tera. Da la guardia sua circondato, era sua maestà su uno cavallo zaneto, vestito de veludo cremesin, et soto uno sagio de restagno d'arzeno; et vene fino al pontil, dove era preparato el desmontar per la catholica alteza; el quale fu fato su la rena et a la porta. Desmontata da cavallo, sua maestà stete aspetar el venir de dite galie per spacio de una hora, venivano a remi una driedo l'altra. La prima era quella del re, la qual haveva la coverta del castello strichata de pano d'oro e damascin biancho; a torno de la galia erano pani pur strichati roso e zalo; i galioti *etiam* loro vestiti a quella guisa. Le altre galie havevano le coverte de pano, pur strichate *cum* le arme del re. Acostata la galia al pontil, lo christianissimo re, essendo in cavo del pontil, fece segno de voler montar su la galia. Il che inteso, el catholico re li fece dir che non asendese; *tamen* sua maestà volse assender. Et montata essendo a la scaleta, el catholico re se abrazorono usando

l'un l'altro i termeni regal. Desmontorono avanti la mazor parte di signori et cavalieri spagnuoli, i quali, montati a cavallo insieme *cum* i signori et baroni franzesi, se aviorono avanti a la tera una parte, et l'altra parte restò da driedo. Deseseno sua maestà de galia, et la rezina insieme; et in cavo del pontil montorono a cavallo, su do mule preparate per el christianissimo re. Et montati che forono, el christianissimo tolse la rezina in gropa. Et poy, a l'inviarise, el christianissimo fece segno al catholico re che l'prezedesse; fu recusato per sua alteza, et fata resistentia da una parte e da l'altra; *tandem* el catholico re restò da la parte sinistra, et el christianissimo da la destra, in fino a lo ingresso de la porta. Un poco più avanti andava el catholico re; *tamen*, intrati, cavalcavano equali. Per tuti fu iudicato et a fermato, el catholico re precedeva; a mi non parse, per esser da la man sinistra. A la porta fu apresentatione le chiave de la tera al re catholico, per uno capitano de arzieri, franzese; rehusò sua maestà de volerle; *tamen*, instata dal christianissimo re, non le volse prender luj, ma le fu date ad uno di sui spagnuoli, el qual rehusò molto, pur le tenne.

Avanti i serenissimi re erano molti signori; 40 driedo el reverendissimo Rhoan *cum* el gran capitano, don Consalvo Ferantes; poy li reverendissimi altri cardinali; *ultimo loco* molti cavalieri spagnuoli. Forono tute le strade coperte de pani; et i serenissimi re andorono soto una ombrela de damascin cremesin, portata da i anciani de la tera. Fu acompagnato el catholico re da la christianissima maestà fino al castelo. Et questo è il suzeso.

In Savona, a dì 28 zugno 1507, hora prima de nocte.

Per mie de 28 ve notificaì tuto el suceso de lo advento regio. Heri matina forono tute do maestà, zioè christianissima et catholico, a mesa in domo, dove fu cantata una messa pontificalmente per el cardinal reverendissimo Sancta Praxede, legato apostolico, *cum* molte solemnità et cerimonie; ne intervenne cardinali 4, et ambe le corte, zoè franzese e spagnola. Finita la mesa, su la porta de la giesia preseno licentia l'uno re *cum* l'altro, *cum* demonstratione de bona amititia et parentela fra loro. Hery menò, da poi manzar, el christianissimo la rezina a zena *cum* si, et condusela in gropa dal castelo fina al suo palazzo. Questa corte del catholico re, avegna sia honorata corte et homeni de gran fazon, ben *etiam* in ordine vestiti, pur mi par quella del christianissimo precieda. Questa catholica alteza dimostra